



~~Ref.~~
R



32

FACULTATIS JURIDICÆ
DECANUS,
JO. PHILIPPUS
Streit, J. U. D.

EMINENTISSIMI AC CELSISSIMI PRINCIPIS
ELECTORIS MOGUNTINI CONSILIA-
RIUS REGIMINIS,

AD AUDIENDAM LECTIONEM CURSORIAM
ad L. Princeps. 31. ff. de leg. Senat. Consult. & long. consuetud.

ET

DISSERTATIONEM INAUGURALEM

AD DIEM XXIII. NOVEMBR. MDCCXXXV.

LECTOREM BENEVOLUM HUMANISSIME
INVITAT.

ERFORDIÆ,

Typis JOH. CHRISTOPH. HERINGII, Acad. Typogr.



DUm Ulpianus libro decimo tertio ad Legem Juliam & Papiam ait: *Princeps legibus solutus est.* De propriis legibus is loquitur, quod enim teneatur legibus naturalibus & civilibus certum est. De propriis proinde legibus solum quæstio est & difficultas. Quo ad has multorum est persuasio, Principem seu Legislatorem suis legibus non quidem vi coactiva, quæ transgressorem pœnæ temporali reddit obnoxium. Sed tamen directiva, quæ conscientiam obstringit, eum teneri. Ast verius est legislatorem ipsum lege à se aut antecessoribus suis lata, quâ tali, neque quoad vim coactivam, neque directivam obligari. Princeps enim supremus, de quo loquitur Ulpianus, non agnoscit in terris superiorem à quo puniri possit, non igitur tenetur vi legum suarum cogente, impositio enim pœnæ, supponit ex parte infligentis jus superius, quod repugnat respectu supremi Principis, seu nullum adest principium, quod ipsum obliget, nec legem sibi

fibi sed subditis præscripsit, ex natura jurisdi-
ctionis ad inferiorem tendentis. Adcò ut ne
quidem teneatur vi legum suarum dirigente,
directè, per legem intentâ, non enim id agit
ut se, sed ut alios obstringat. Et cum mate-
ria, de qua lex positiva fertur, in se, extra illius
legis dispositionem, sit indifferens, non potest
dici peccare principem qui secus agit, ac le-
ges civiles, quas nemo ipsi præscripsit, jubent.
Nec recta ratio dictat, ut princeps subditis suis
in iis se conformet, quorum observantia non
debet statum, ac dignitatem principis. Quan-
do verò lex respicit materiam principi & civi-
bus communem, tenetur Princeps lege suâ sal-
tem indirectè ex quadam decentia & honesta-
te naturali. Quamvis enim nemo possit sibi
ipsi obedire, vel subditus esse, ratio tamen na-
turalis præscribit, ut quas leges quis condit,
eas observet, ne illas non observando suspen-
das, duras & odiosas reddat ipsis subditis, *Kö-
nig ad Decretales de Constit. n. 10.* & plures alii.
Hinc digna vox majestatis imperantis esse dici-
tur, legibus alligatum se profiteri, nihilque ma-
gis imperio principis convenire creditur, quàm
leges, à quorum vinculo videtur immunis, ser-
vare

zare L. 4. Cod. de Leg. Ideò Plato lib 4. de
Legib. scripsit, paratum se exitium illi civitati
videre, in qua non lex Magistratibus domina-
tur, sed legi Magistratus præfunt, salutem verò
illi, ubi lex fervientibus dominatur. Deindè
cum heredes instituuntur, Imperator seu Au-
gusta, jus commune cum cæteris habent, quod
& in codicillis, & in fidei commissariis epistolis
præscriptis observandum. Et Divus pertinax
oratione suâ in Senatu habitâ, inter cætera ex-
pressit & illud; *non admissurum se hereditatem
illius, qui litis causâ principem reliquerit here-
dem. §. 8. instit. quib. mod. testam. infirm.* Ne-
que hoc tantum, sed generaliter dicit; *Se ne-
que tabulas non legitime factas, in quibus ipse
ob eam causam heres institutus erat, probatu-
rum: neque ex ulla scriptura, cui juris aucto-
ritas desit, aliquid adepturum. d. §. 8.* Quæ
constitutio licet in corpore non exstet, refert
tamen verba illius Myingerus dict. §. 8. ad-
ditque: *Sanctius est P. C. innopem rempu-
blicam obtinere, quàm ad divitiarum cumu-
lum per discriminum atque dedecorum vestigia
pervenire.* Extat constitutio similis in lege
Eximperfecto 3. Cod. de testam. in quâ Impera-
tor

tor Alexander ait: *Ex imperfecto testamento, nec imperatorem hereditatem vindicare posse, sæpe constitutum est.* Est & hujus sententiæ Paulus in *L. 20. de legat. 3.* ubi ait: *Ex imperfecto testamento legata vel fideicommissa Imperator vindicare inuerecundum est.* Decet enim tantæ majestati eas servare leges, quibus ipse solutus esse videtur. Unde rectè Theodoricus Rex Gallorum apud Goldast. *Tom. 3. constitut. imperiul. 33.* Licet, inquit, potestati nostræ Deo favente subjaceat omne, quod volumus, voluntatem tamen nostram de ratione metimur, & istud magis æstimamur elegisse, quod cunctos dignum est approbare. Huc etiam respexit Seifellius *lib. 1. de Republ. Gallor.* dicens; *Si Reges quidvis possent non multo Deo essent imperfectiores, & sicut Deus ipse non idcirco, quia peccare non potest, minor est seipso, sed eo admirabilior sit & illustrior ipsius perfectio & potentia, sic & Reges, cum suis ipsi legibus obtemperant, ad salutem spectantibus, multò majorem laudem merentur, quàm si ex arbitrio & voluntate omnia gerant.* Unde Antigonus Macedonum Rex cuidam dicenti, omnia Regibus honesta esse, *sunt per Jovem, inquit, Barbarorum*

rum duntaxat Regibus, at nobis duntaxat ea honesta sunt, quæ honesta, & ea tantum justa. Plutarch. in Apoph. tom. 3. pag. 336. Ex quibus & aliis inferunt Godofred. ad Novell. 105. principem legibus solutum non esse, sed potius eis subesse. Vasq. *Controvers. illustr. lib. 1. cap. 1. n. 22.* statuit solutum legibus in iis, quæ levioris sunt præjudicii, qualia sunt, quæ pertinent ad solennia testamentorum, judiciorum & contractuum. Cujacius *Observat. lib. 15. cap. 30.* legibus caduciariis duntaxat Julia & Papia tanquam per se satis odiosis principem absolvit. Zasius in *L. princeps n. 2. ff. de leg.* Philosophi sententiam tuetur, vult enim in Republica bene ordinata cives quadam æqualitate censerī, ut & regant & regantur, tutiusque secundum virtutem vivant; de quâ materia in lectione cursoria occasione *L. Princeps. 31. ff. de Leg. Senat. consult. & long. consuetud.* differet

NOBILIS ET CLARISSIMVS

DN. JOANNES CHRISTIANVS
ZIMMERMANNVS,

Natus Doebelæ X. Maj. MDCC VII. Patrem
superstitem veneratur Dn. JOANNEM CHRI-
STIA-

STIANVM ZIMMERMANNVM, p. t. Con-
sulem Doebelensem, Matrem habet ANNAM
DOROTHEAM, B. Dn. JOANNIS NAV-
MANNI Mercatoris filiam, piè defunctam.
His suis Parentibus post Deum gratias agit,
quod non solum corporis sui, & potissimum
animi rationem habuerint, & à teneris annis
liberalibus artibus imbundum curaverint, &
in Scholam, quæ Portæ floret, miserint, ubi
per sex ferè annos solidioris doctrinæ funda-
menta posuit, postea celeberrimam Musarum
sedem Wittembergam adiit, ubi per Triennium
celeberrimorum Dominorum Professorum ju-
ris, LEYSERI, MENCKII, WERNERI &
STRUVII Collegia frequentavit. Porro Lipsiæ
Collegiis Dominorum, GRIBNERI, RIVINI
& KOESELISSI per annum interfuit. Reli-
quum vitæ suæ tempus partim in præfectura
Muhlbergensi, partim in patria in praxi se se
exercendo, impendit. Tandem à Facultate
juridica hujati ad consuetum examen rigoro-
sum Doctorandorum admitti decenter petiit,
admissus textus ex utroque jure assignatos ac-
curatè resolvit, seque tam firmum ac funda-
tum in arte juris ostendit, ut unanimes consen-
su


ſu eidem ad honorum Academicorum gradus
ritè capessendos publica cathedra aperta fuerit,
in quâ proximâ die Mercurii, quæ erit XXIII.
Novembris, lectionem *ad d. L. Princeps*. ea-
que finita Disputationem inauguralem

DE

**OBSERVANTIA STATUTO-
RVM MVNICIPALIVM IN MVNI-
CIIIS NON PROBANDA**

habebit. Ad quos actus solennes Magnificus
Dominus Rector cæterique Domini Proceres
& Cives Academici invitantur. Publ. sub Sigil-
lo Facultatis Jurid. XX. Nov. M DCC XXXV.





Faint, illegible text, likely bleed-through from the reverse side of the page.

CONFIRMANTIA STATUTI
EPI HINGOALM DE
CIRCA ANNO 1210



154562

ULB Halle
005 372 046

3



R







32

FACULTATIS JURIDICÆ
DECANUS,
JO. PHILIPPUS
Streit, J.U.D.

EMINENTISSIMI AC CELSISSIMI PRINCIPIS
ELECTORIS MOGUNTINI CONSILIA-
RIUS REGIMINIS,

AD AUDIENDAM LECTIONEM CURSORIAM
ad L. Princeps. 31. ff. de leg. Senat. Consult. & long. consuetud.

ET

DISSERTATIONEM INAUGURALEM

AD DIEM XXIII. NOVEMBR. MDCCXXXV.

LECTOREM BENEVOLUM HUMANISSIME
INVITAT.

ERFORDIÆ,

Typis JOH. CHRISTOPH. HERINGII, Acad. Typogr.